

առարական զարգացումը: Միւս կողմից յղացաւ և իրականացրեց բազմաթիւ քաղաքական ակտեր, որոնց նպատակն էր յաջողացնել հայկական հարցի լուծումը:

Ինչ էր հայկական հարցի էութիւնը վերջին շրջանում: Ո՛չ միայն Դաշնակցութեան, այլ և դրեթէ ամբողջ հայ մտաւորականութեան համար հայկական հարցի լուծումը ազգային ինքնավարութիւնից դէնը չէր գնում: Հայ ժողովուրդը իր ազգային զարգացումն ու կուլտուրական-տնտեսական բարգաւաճումը համարում էր կատարելապէս ասպնջոված Ռուսաստանի և Տաճկաստանի պետականութեան սահմաններում ինքնավարութիւն պահանջելով: Դաշնակցութիւնը փախազում էր տեսնել Ռուսահայաստանը իբրեւ ֆէդերատիւ մաս ազատ Ռուսաստանի, իսկ Տաճկահայաստանը՝ նոյնպիսի կապերով կապած Օսմանեան պետութեան հետ: Բացարձակապէս անհիմն էր և անիրական ոռւս և տաճիկ ազգայնականների մեղադրանքը, հայերի հաոցէին, թէ, իբր, սրանք ձգտում են անջատման:

Այս քաղաքական դաւանանքով էլ հայ ժողովուրդը մտաւ համաշխարհային պատերազմի մէջ՝ անցնելով դաշնակից պետութիւնների կողմը: Կաթաւորական շարժումը խանդավառ արտայայտութիւնն էր այդ մասնակցութեան: Եւ մենք չենք կարող մոռանալ այս հանդիսաւոր ժամին հիասթափութիւնը, որ վիճակեց հայ ժողովրդին դաշնակից պետութիւնների կողմից: Հակառակ հայ ժողովրդի տւած անհաշիւ զոհերի դաշնակիցների դատի օգտին, հակառակ եւրոպական դէմոկրատիայի և առաջաւոր գործիչների վճռական կամքի, հակառակ հրապարակով տւած խոստումների՝ մեծ պետութիւններից օմանք իրենց մէջ զազտնի դաշինք կնքեցին, որով Հայաստանը բաժանուում էր երկու մասի, մէկը տրւում էր ցարական Ռուսաստանին, միւսը՝ Ֆրանսային: Եւ միայն ոռւսական մեծ յեղափոխութիւնը խորտակեց այս բռնաւորական ծրագիրը, նւիրագործեց հայ յեղափոխական ժողովրդի դատը և հետզհետէ հասունացրեց Հայաստանի երկու հատւածների անկախութեան և միութեան գաղափարը: Մի գաղափար, որ միս ու արիւն ստացաւ միայն վերջին երկու տարիների ընթացքին, յեղափոխութեան շնչի ազդեցութեան տակ, հայ աշխատաւորութեան հերոսական ճիգերի հետեանքով: Անցեալ տարւայ մայիս 28-ի ակտը պաշտօնական հռչակումն էր այդ գաղափարի, և Փարիզի Գերագոյն Խորհրդի ներկայ ակտը նւիրագործումն ու վաւերացումն է հայ ժողովրդի կամքի արտայայտութեան: Հայաստանի հանրապետութեան իրական ճանաչումը ոչ այլ ինչ է, եթէ ոչ ձեւական հաստատումը միայն այն գաղափարի, որ արդէն արմատացած է բովանդակ հայ ժողովրդի գիտակցութեան մէջ և, իբրեւ այգւպիսին, միանգամայն ողջունելի է: Նա դեռ պսակումը չէ մեր գործի, բայց առաջին պաշտօնական քայլն է, որին անհրաժեշտօրէն պէտք է յաջորդէ մեր ամբողջական դատի նւիրագործման ակտը:

Մեր ազատագրական պայքարի և Հ. Յ. Դաշնակցութեան գործունէութեան կենտրոնական առարկան եղել է տաճկահայոց դատը. ամբողջ սերունդներ դատախարակել ու կազմակերպել են այդ դատի վրա: Մեր ճիգերի մեծագոյն բաժինը յատկացւած է եղել տաճկահայկական հարցին, և բնական է միանգամայն, որ ամենքս սպասում էինք առաջ տաճկահայկական խնդրի լուծումին և ապա Ռուսահայաստանի անկախութեան ճանաչման: Սակայն, դէպքերի ընթացքը այլ հեռանկարներ տւեց. բոլշեւիկեան հեղեղի առաջ պատւար քաշելու մտահոգութեամբ Եւրոպան Տաճկաստանը թողած՝ ձեռք առաւ ոռւսական խնդիրը և մի շարք ուրիշ ազգութիւնների հարցի հետ վճռեց նաեւ Ռուսահայաստանի ճակատագիրը: Սրանից բնաւ չի հետևում այն, որ տաճկահայկական խնդիրը անուշադրութեան է մատնւել, և անտեղի